

आकाशवाणी

खास-खास खबरां

1. प्रधानमंत्री नरेन्द्र मोदी होरें गुजरात दे साणंद च CG सेमी Out Sourced सेमीकंडक्टर संयोजन ते जांच केन्द्र दा उदघाटन कीता।
2. प्रधानमंत्री होरें राजस्थान दे बालोतरा च भारत दा पैहला ग्रीन फील्ड एकीकृत रिफाइनरी ते पेट्रोलियम रसायन सरबन्धी परिसर देसै गी समर्पित कीता- कन्नौ गै जोधपुर च एयरपोर्ट दे नमें टर्मिनल भवन दा बी उदघाटन कीता।
3. गृह मंत्रालय नै UAPA दे तैहत पाकिस्तान च रवा करदे 23 लोकें गी आतंकवादी घोषित कीता।
4. केन्द्र नै बड्डे पैमाने पर पाइरेसी दी खबरें गी लेइयै टेलीग्राम मैसेजिंग ऐप्प गी इक नोटिस जारी कीता ते 15 दिनें दे अंदर रिपोर्ट सौंपने लेई आखेआ।
5. भारत ते इजरायल बश्कार दपक्खी निवेश समझौता अज्जै थमां लागू होई गेआ ऐ।
6. मौसम मैहकमे नै अगले चंऊ दिनें दौरान दक्खन पश्चिम मानसून गुजरात- हरियाणा- पंजाब ते राजस्थान दे किश हिस्सें च अगो बधने दी संभावना दस्सी ऐ।

<><><><><><>

Gujrart -PM

इंडिया सेमीकंडक्टर मिशन गी बढ़ावा दिंदे होई प्रधानमंत्री नरेन्द्र मोदी अज्ज संजा गुजरात दे साणंद च CG सेमी Outsourced सेमीकंडक्टर असेम्बली एंड टेस्ट (OSAT) सुविधा दा उदघाटन कीता। 75 सौ करोड़ रुपें थमां बद्ध दे निवेश कन्नौ इंडिया सेमिकंडक्टर मिशन दे तैहत विकसित एह सुविधा देसै दी Tech Manufacturing यात्रा च इक बड्डी गैऽ ऐ। साणंद पुज्जदे गै प्रधानमंत्री होरें High-

Tech प्लांट दा दौरा लाया ते प्रोडक्शन प्रोसेस दा मुआयना कीता। प्रधानमंत्री होरें इस सुविधा तैहत कम्म करा रदे इंजीनियरें ते संचालकें कन्नै बी गल्लबात कीती।

<><><><><><>

PM -Rajasthan

प्रधानमंत्री नरेन्द्र मोदी होरें अज्ज राजस्थान दे बालोतरा च तकरीबन इक लक्ख 6 ज्हार करोड़ रुपें दी विकास परियोजनाएं दा उदघाटन ते नींह पत्थर रक्खेआ। एह परियोजनां पैट्रोलियम रसायनं, शैहरी परिवहन बवस्था, रेलवे सिडक नवीकरणीय ऊर्जा यानि परतियै हासल होने आहली ऊर्जा ते बिजली आपूर्ति सनें केंई परियोजना कन्नै जुडी दियां ना। प्रधानमंत्री होरें बालोतरा दे पचपदरा च भारत दा पैहला ग्रीन फील्ड एकीकृत रिफायनरी ते पेट्रोकेमिकल परिसर राश्ट्र गी समर्पित कीता। एह देसै दी ऊर्जा ते पेट्रोकेमिकल खेत्तर च इक ऐतिहासिक उपलब्धी ऐ। ग्रीन फील्ड रिफाइनरी ते पेट्रोकेमिकल परिसर हिंदोस्तान पेट्रोलियम कारपोरेशन लिमिटेड ते राजस्थान सरकार दा सांझा उद्यम ऐ। प्रधानमंत्री होरें इक जनसभा गी सम्बोधित करदे होई आखेआ ऐ जे एह रिफाइनरी ज्हारें बद्धे लोकें आस्तै रोजगार दा साधन बनोगा। प्रधानमंत्री मोदी होरें 13 ज्हार करोड़ रपे थमां बद्ध दी कुल लागत आहली जयपुर मेट्रो रेल परियोजना दे दुए चरण दा बी नींह पत्थर रक्खेआ। मगरा प्रधानमंत्री नरेन्द्र मोदी होरें राजस्थान सरकार दे बक्ख-बक्ख मैहकमें च भर्थी कीते गेदे तकरीबन 54 ज्हार नौजवानें गी नियुक्ति-पत्र बी सौंपे। इस मौके पर बोलदे होई प्रधानमंत्री होरें आखेआ ऐ जे चुनौतियां किन्नियां बडियां की नेंई होन, नमां भारत नां ते अपने संकल्प थमा पिच्छे हटदा ऐ ते नां गै अपनी रफ्तार गी बल्ले होन दिंदा ऐ। प्रधानमंत्री होरें अज्ज जोधपुर हवाई अड्डे दे नमें टर्मिनल भवन दा बी उदघाटन कीता। 4 सौ 80 करोड़ रपे दी लागत कन्नै तैयार कीता गेआ एह नमां टर्मिनल भवन हर बरे 20 लक्ख यात्रियें दी आओ-जाई आस्तै तैयार कीता गया ऐ।

<><><><><><>

VP-SIR

उपराश्ट्रपति सी.पी. राधाकृष्णन होरें अज्ज मतदाता सूचिएं दे नमें सिरेया ते तफसीली जांच सरबंधि SIR प्रक्रिया दे तैहत अपना गिनत्री सरबंधी फार्म जमा कराया। इक सोशल मीडिया पोस्ट च उपराश्ट्रपति होरें सब्भनें मतदाताएं गी आखेआ ऐ कि ओ इस प्रक्रिया च सक्रियता कन्नै हिस्सा लैन ते इक जिम्मेदार नागरिक दी अपनी जिम्मेदारी ते फर्ज गी निभान। उपराश्ट्रपति होरें आखेआ कि दिल्ली दे मुख चुनां अधिकारी, जिला चुना अधिकारी ते सरबन्धित ERO ते BLO दी मदद कन्नै इस प्रक्रिया गी तोढ चाढेया गेआ।

<><><><><><>

Rajasthan E-Govt. Conferncen

राजस्थान दे जयपुर स्थित राजस्थान इंटरनैशनल सेंटर च अज्ज 29में राश्ट्रीय ई-गवर्नेंस सम्मेलन दी शुरुआत होई। दो रोजा इस सम्मेलन दा आयोजन प्रशासनिक सुधारें दे लोक शकैतें मैहकमें, इलेक्ट्रानिक्स ते सूचना प्रौद्योगिकी मंत्रालय ते राजस्थान सरकार आसेया सांझे तौर उप्पर कीता जा रदा ऐ। सम्मेलन दा उदघाटन राजस्थान दे मुखमंत्री भजन लाल शर्मा होरें कीता। किट्टै गी सम्बोधित करदे होई भजन लाल शर्मा होरें आखेआ कि प्रधानमंत्री नरेन्द्र मोदी हुंदी अगुआई च सरकार नै पिच्छले इक दहाके दौरान तकनीकें सरबन्धी केई नमियें काडु दी शुरुआत कीती ऐ।

<><><><><><>

Ethanol Expert

उद्योग जगत दे माहिरें आखेआ ऐ जे एथेनाल मिश्रण कार्यक्रम गी जल्दबाजी च लागू नेई कीता गेआ ऐ बल्के इसी इक योजना बनाइयै चरणबद्ध तरीके दे वैज्ञानिक आधार लागू कीता गेआ ऐ। नमीं दिल्ली च इक संवाददाता सम्मेलन च इंजीनियर्स इंडिया लिमिटेड दी साबका अध्यक्ष ते मैनेजिंग

डायरेक्टर Vartika Shukla होरें आखेआ ऐ जे इस कार्यक्रम पर 2018 थमां गै चर्चा शुरु होई गई ही ते एहदे कन्नै जुडे दे सब्बनें पक्खें थमां राय लैती गई गई ही। उनें दस्सेआ जे इस योजना गी वैज्ञानिक तथें Automobile कम्पनियें ते परीक्षणें ते भारती आटोमोटिव अनुसंधान संघ ते भारतीय आटोमोबाइल निर्माता सोसाइटी समर्थन हासल ऐ।

<><><><><><>

Home Ministry Terrorist

केन्द्री गृह मंत्रालय नै पाकिस्तान च रवा करदे 23 लोकें गी गैर-कनूनी गतिविधियें दी रोकथाम सरबन्धि कनून UAPA तैहत आतंकवादी घोषत कीता ऐ। एह लोक जैश-ए-मोहम्मद, लश्करे तैयबा ते किश होरनें संगठनें कन्नै जुडे दे न। मंत्रालय दा आखना ऐ कि देश ते नागरिकें दी सुरक्षा लेई सरकारै हर आतंकी गरोह गी खत्म करने लेई पक्का धेइया कीते दा ऐ। गृह मंत्रालय आसेआ अज्ज आतंकी घोषत कीते गेदे 23एं जनें चा 17 पाकिस्तानी ते 6 भारतीय नागरिक न। एह सब्बै इसलै पाकिस्तान ते पाकिस्तान दे नजैज कब्जे आहले जम्मू-कश्मीर थमां अपनी आतंकी गतिविधियां चला करदे न। एह आतंकवादी भारत विरोधी गतिविधियें, थेहारें दी तस्करी, बन्ने पारा घुसपैठ, आतंकी संगठनें दी मदद, आतंकवाद च नौजवानें दी भर्ती ते इस चाल्ली दिएं होरनें गतिविधियें च शामिल न।

<><><><><><>

Govt. Telegram

बड्डे पैमाने पर पाइरेसी दिएं खबरें गी दिक्खदे होई सरकार नै मैसेजिंग प्लेटफार्म टेलीग्राम गी नोटस जारी कीता ऐ। सरकार नै टेलीग्राम गी पाइरेटिड फिल्में ते OTT कान्टेंट दे खलाफ तत्काल कारवाई करने दा निर्देश दिता ऐ। अधिकारिक सूत्रें मुजब टेलीग्राम गी 15 दिनें दे अंदर-अंदर कारवाई रपोर्ट

जमा करोआने लेई आखेआ गेआ ऐ। इस गैंह दा मकसद भारत दी रचनात्मक अर्थबवस्था, फिल्म उद्योग, प्रसारकें, OTT प्लेटफार्म, फिल्म प्रोड्यूसर ते सप्लायरें दी रक्षा करना ऐ।

<><><><><><>

Govt. Onion Price

सरकार नै मुल्ल स्थिर रखने आस्तै सरकारी भंडार लेई प्याज दी खरीद कीमतें च 13 फीसदी बाद्दा कीता ऐ। हून करसानें थमां प्याज 18 सौ 75 रुपें फी क्वांटल दे थाहर 21 सौ 25 रुपें फी क्वांटल दे स्थाबै खरीदेआ जाहग। उपभोक्ता मामले-खाद्य ते सार्वजनिक बंड सरबन्धी मंत्रालय नै दस्सेआ ऐ एह नमीं खरीद कीमतां अज्जै थमां लागू होई सकदियां न। मंत्रालय दे मताबक बधी दियें खरीद कीमतें कन्नै प्याज दे करसानें गी बेहतर लाह हासल होग ते कन्नै गै बफर खरीद आस्तै प्याज खरीदने दे प्रयासें गी बी मदाद थहोग।

<><><><><><>

Rajnath Defence Export

रक्षा मंत्री राजनाथ सिंह होरें आखेआ ऐ जे देशै दा रक्षा निर्यात 38 ज्हार करोड़ रुपें शा मते दे रिकार्ड स्तर पर पुज्जी गेआ ऐ। नमीं दिल्ली च इक कार्यक्रम गी सम्बोधित करदे होई उनें आखेआ ऐ जे माली बरे 2013-14 च रक्षा निर्यात 6 सौ छयासी करोड़ रुपें हा जेहड़ा हून बधियै तकरीबन 57 गुना होई गेआ ऐ। उनें आखेआ ऐ जे एह बद्दो-बधी मेक-इन-इंडिया रक्षा मंच पर बधदे वैश्विक भरोसे गी साबत करदी ऐ।

<><><><><><>

Rajju -Monsoom Session

संसदीय मामलें दे मंत्री किरण रिजिजू होरें अज्ज जानकारी दिती ऐ जे राष्ट्रपति द्रौपदी मुरमू होरें 20 जुलाई थमां 13 अगस्त तोड़ी संसद दे मानसून इजलास सद्ने दे सरकार दे प्रस्ताव गी मंजूरी देई दिती ऐ। इस सत्र च राष्ट्रीय म्हत्व आहले मुद्दे उप्पर उचित बैहस-चर्चा ते फैसलें उप्पर खास जोर दिता जाग।

<><><><><><>

Iran Khamnei

ईरान दे साबका सर्वोच्च नेता अयातुल्ला सैयद अली खामेनेई होरें गी तेहरान च सुपुर्द-ए-खाक करने दे 6 दिनें दी राजकीय रस्म दी तयारियां चला रदियां न। जनाजे दा जलूस अगले किश दिनें तगर जारी रौहग ते इस महीने दी 9 तरीक गी पवित्र शैहर मशहद च उनें"गी दफनाने दे कन्नै गै एह सम्पन्न होग। एहदे मगरां 40एं दिनें तगर सार्वजनिक शोक मनाया जाग।

<><><><><><>

SANJAY- Spot Registration

श्रद्धालुएं दी बड़ी मती भीड़ दे बावजूद जम्मू च तवी रिवर फ्रंट पर श्री अमरनाथ यात्रा लेई मौके पर गै पंजीकरण सुचारु ढंगे कन्नै चला रदा ऐ। अधिकारियें इस गल्लै गी यकीनी बनाने लेई खास पंजीकरण काउंटर कायम कीते दे न, जिंदे च बौहने दी थाहर, पीने दा पानी, मैडिकल मदद-साफ-सफाई ते सुरक्षा जनेही बुनियादी स्थूलतें दे कन्नो-कन्नौ श्रद्धालुएं गी परेशानी शा मुक्त तुजुर्वा हासल होई सकै। अधिकारियें दस्सेआ जे इनें इंतजामें कन्नै बड़ी मती भीड़ गी असरदार तरीके कन्नै प्रबंधित करने च मदद थ्होआ रदी ऐ।

<><><><><><>

Amarnath Darshan

अमरनाथे दी यात्रा दे दुए रोज अज्ज शामी 4 बजे तगर 16 ज्हार 327 शरदालुएं पवित्र गुफा च कुदरती बर्फू नै बने दे शिवलिंग रुप दे दर्शन करी लैते दे हे, जेहदे कन्नै गै पैहले दंऊ दिनें च 28 ज्हार कोला मते यात्रुएं मत्था टेकी लैते दा हा। दर्शन करने दा सिलसिला एल्लै बी बरोबर जारी ऐ ते अज्ज शामी तगर एह गिनतरी अराम कन्नै 30-32 ज्हार कोला उप्पर पुज्जी सकदी ऐ। यात्रा दौनें रस्तेआं जारी ऐ ते शरदालुएं दी सुरक्षा लेई निगगर बंदोबस्त करी रखे गेदे ना। यात्रा गी सुरक्षत ते सुविधाजनक बनाने लेई प्रशासन ते सुरक्षाबलें दे कन्नो-कन्नो स्वयं सेवी संगठन बी थाएं-थाएं लंगर लाइयै यात्रा गी कामयाब बनाने च अपना योगदान देआ करदे ना।

<><><><><><>

India –Israel BIA

भारत ते इजरायल बश्कार दपक्खी निवेश समझौता (BIA) अज्जै थमां लागू होई गेआ ऐ। इस समझौते पर पिच्छले बरे सितम्बर महीने नमीं दिल्ली च दस्तख्त कीते गे हे। वित्त मंत्रालय नै दस्सेआ ऐ जे एह समझौता दपक्खी माली सरबंधें गी मजबूत करने ते सुरक्षत ते भरोसेमंद निवेश महौल गी यकीनी बनाने आहली बक्खी एह महत्वपूर्ण गें ऐ। मंत्रालय नै इब्बी दस्सेआ ऐ जे इस समझौते कन्नै बन्ने पार निवेश गतिविधियें च बाद्दा होने ते भारत ते इजरायल बश्कार आर्थिक सांझ-भ्याली होर मजबूत होने दी मेद ऐ।

<><><><><><>

CM Thanks PM

मुख्य मंत्री उमर अब्दुल्ला होरें अमरनाथ यात्रिणें गी अपने सफर दे खर्च दा 10 प्रतिशत हिस्सा मकामी चीजें दी खरीद पर खर्च करने दी प्रधानमंत्री नरेन्द्र मोदी हुंदी अपील पर प्रधानमंत्री हुंदा

धन्नवाद कीता ऐ ते आखेआ ऐ कि एह कश्मीर दी अर्थबवस्था गी समर्थन देने दी सकारात्मक पैहल ऐ।
उ'नें यात्रा प्रशासन गी आखेआ जे ओ यात्राएं गी मकामी दकानदारें-कारीगिरें-बपारिएं ते पोनी आहले
तगर विजन रोक-टोक दे पुज्ज ते सम्पर्क बनाने दी छूट देन-तां जे निक्के-मुटटे कम्म करने आहले इनें
लोकें गी फैयदा पुज्जी सकै। अमरनाथ जी यात्रा बारे मुखमंत्री होरें मेद प्रगट कीती जे खरी मती
गिनतरी च श्रद्धालु इत्थे आंगन ते उन्दी यात्रा अरामदायक रौहग ते ओ पूरी चाल्ली रमानदारी ते
सुरक्षत ढंगे नै यात्रा मुकम्मल करियै अपने-अपने घरें गी परतोगंन।

<><><><><><>

CM Sgr. Air port

मुखमंत्री उमर अब्दुल्ला होरें श्रीनगर ब्हाई अड्डे गी किश अरसे लेई बंद करने दे प्रस्ताव पर जम्मू-
कश्मीर सरकार आसेआ जताई गेदियें चिंताएं पर तुरंत गौर ते सकारात्मक प्रतिक्रिया देने आस्तै
भारत सरकार दा अभार प्रगट कीता ऐ। मुख मंत्री होरें व्यक्तिगत तौरा पर एह मामला केन्द्र कन्नै
पुट्टेआ हा तां जे यात्राएं, सैलसफा क्षेत्र, बपार-कारोबार ते जम्मू-कश्मीर दे आम लोकें दे एहदे कन्नै
जुड़े दे, अधिकारियें दी राखी जकीनी बनी सकै। इस फैसले कन्नै विजन रुकावट दे ब्हाई सम्पर्क,
सैलसफा गतिविधियां ते आर्थिक गतिविधियां जारी रौहगंन। मुखमंत्री होरें चेचे तौरा पर रक्षामंत्री
राजनाथ सिंह ते सिविल हवाबाजी दे मंत्री राम मोहन नायडू हुंदा, इस गुजारश गी मनने पर आभार
प्रगट कीता ऐ।

<><><><><><>

Vanezuela PM Thanks to PM India

भारत नै भूंचाल प्रभावित वेनेजुएला च भारती फौज दी इक खास मैडिकल टीम तैनात कीती ऐ।
वेनेजुएला दे विदेश मंत्री इवान गिल नै भूंचाले कन्नै घाल होए दे लोकें दी मदाद आस्तै भारत सरकार
ते प्रधानमंत्री नरेन्द्र मोदी हुंदे समर्थन ते सहयोग आस्तै आभार प्रगट कीता ऐ। उनें भूंचाल च
प्रभावित होए दे लोकें दे इलाज आस्तै आपरेशन अमिस्ताद दे तैहत स्थापित भारतीय सैन्य फील्ड

अस्पताल दा दौरा लाया। एह अस्पताल वेनेजुएला दे लोकें गी 24 घैंटे मुफ्त मैडिकल सेवा देआ करदा ऐ।

<><><><><><>

Weather

भारती मौसम मैहकमे नै अगले चंऊ दिनें च दक्खन-पश्चिम मानसून दे गुजरात-हरियाणा पंजाब ते राजस्थान दे किश हिस्सें च अग्रे बधने दी मेद जाहिर कीती ऐ। मौसम मैहकमे आसेआ मध्य प्रदेश समुन्दर कन्ने लग्गदे कर्नाटक दे हिस्सें, पश्चिम राजस्थान, तेलंगाना ते विदर्भ च कल्लै तगर मौलेधार बरखा बरने दे असार दस्से गे ना।

<><><><><><>